

MEDEL

Lavar aur mo pli cun lubientscha

(anr/abc) Il hobi da lavar aur en contradas spuretgas e selvadias sederasa pli e pli. En quei connex ha era la vischnaunca da Medel stuii prender mesiras supplementaras. Gievgia sera ha la suprazionza communal presentau alla radunonza communal il sboz dalla revisiun dalla lescha davart igl encurir cristallas e mineralias e lavar aur. Unanim han ils presents approbau quella. La lescha consista da 22 artechels e remplazza la lescha digl onn 2000. Artechel 3 dalla lescha revedida dispona che scadin che che lava aur drovi ina lubientscha persuerter. Avon la revisiun lubeva la medema lescha explicit a singulas persunas d'encurir aur. Per menar ed organisar gruppas da maniera commerciala drova ei da niv supplementarmein ina lubientscha dalla suprazionza communal.

Plinavon ha la suprazionza communal da Medel orientau ils convischins davart igl avegnir dalla Tgasa Sontgaclau. Ina gruppa da la lavur haveva elaborau variantas pusseivlas. Ina studia ha mussau ch'igl edifices sisum il vitg da Curaglia sepurschess sco basa e center per survetschs turistic. La Tgasa Sontgaclau savess seprofilar cun ina purschida semeglionta sco il Center da Capricorns ella Val Schons. Ina secunda varianta mass ella direziun d'in center da prevenziun encunter stress e burnout. La casa savess s'adattar sco basa per cuors, dietas e formaziuns specificas e daventar ina nischa ella sparta dalla prevenziun encunter stress e burnout. La gruppa da lavur vegn uss a trer vinavon omisduas ideas, far cumparegliazions, eruir las pusseivladads da realisar in project e tscherchar collaboraziuns cun investurs. L'evaluaziun haveva mussau che la casa s'adattesch buca per habitaziuns per seniors. En gliez cass fuss ei stau necessari da disfar e reconstruir cumplet igl edifices.

La suprazionza communal ha plinavon informau ils presents davart il rapport final dalla gruppa da lavur che haveva elaborau il project dil Consorzi da scola Sursassiala. La fin d'avrel havevan las suprazionzas communalas da Mustér, Medel e Tujetsch decidiu da sistir il project che era vegnius lantschats l'entschatta dil 2013.

reclama



Shorley – für natürlich frische Energie

Der erfrischende Durstlöcher aus 60 % Schweizer Apfelsaft und 40 % Passugger-Mineralwasser.



Mosterei Möhl AG, 9320 Arbon



La gruppa Slow Motion da Breil ha perschadiu la giuria: Els ein daventai secunds ella categoria dils ensembles.

FOTOS A. BEELI

SURSAISSA

Gie alla lescha da turissem

(anr/abc) La radunonza communal da Sursaisa da venderdis sera ha approbau la taxa turistica. Igl ei la taxa che reglescha da niv la finanziaziun dil turissem. Sco en tschellas vischnauncas dalla Surselva miez ha il sboz dalla lescha caschnau era a Sursaisa ina viva discussiun. Era la radunonza communal ha discutau ditg e liung surlunder. Ils arguments dalla suprazionza communal han la finala perschadiu dapli. Cun 58 gie encunter 50 na ed 8 abstenziuns ha il suveran approbau la lescha. Ina nova taxa pauschala per habitaziun vegn a remplazzar las taxas da cura. Plinavon vegnan survetschs e mistergners a pagar ina pauschala annuala tenor lur grad da dependenza dil turissem.

La radunonza communal da Sursaisa ha plinavon retschert informaziuns davart il futur dil scalem superiur dalla scola. La radunonza ha era approbau ina damonda da credit da 40 000 francs per sclarir las pusseivladads d'ina fusiun dallas vischnauncas Sursaisa e Mundaun. En connex cul provediment d'ava han ils da Sursaisa approbau ina damonda da credit da 230 000 francs a favur dalla sanaziun dil reservuar ed aquaduct principai a Cuort/Meierhof. Ina damonda da credit da 205 000 francs pertucca la lingia dall'ava tschuffa. Unanim ha la radunonza approbau quella damonda che lubescha da construir la lingia da canalizaziun Zarzana-Pradamaz.

La finala ha la radunonza communal da Sursaisa approbau il quen annual 2013. Quel siara tier expensas dad 8 339 934 ed entradas dad 8 363 594 francs cun in surpli d'entradas da 23 660 francs. Il bien resultat ha lubiu alla suprazionza da far amortisaziuns extraordinarias dad 1 024 250 francs ed ordinarias da 796 939 francs. La cassa communal ha mussau ils 31 da december 2013 in cash flow dad 1 353 520 francs.

Ina qualitat sco aunc mai

DAD AUGUSTIN BEELI / ANR

■ Els ein giuvs, fetg giuvs, ed els han plascher dalla musica. Enqualin han retschert ils talents en tgina, auters ein diligents ed ambizius. Tuts han il medem dun: Plascher dalla musica. Quei semuossa mintg'onn alla concurrenza da musica pil premi dil Club Lions Surselva. Els organisaturs ein ina equipa che secumprova mintg'onn. Els s'engaschan pigl eveniment principal dalla scola da musica Surselva. Uonn han ils umens dil Club Lions Surselva saviu beneventar 120 affons e giuvs alla concurrenza da musica per giuvs talents musicals ord la Surselva. Igl eveniment ei in punct culminant per scolars e scolasts, geniturs e participonts respectiv scolars. Il menader dalla scola da musica Surselva, Claudio Simonet, taxescha l'ocurrenza medemamein sco in dils eveniments principals digl onn. Sonda vargada ha el giu special plascher. «Jeu sundel fetg satisfats. La concurrenza ei sco in tagl da quei che schabegia en nossa scola da musica, ed igl ei era in ferm exempel da nossa giuvenitgna», di el. Il premi exista dapi 1988. Il caumiedi dil spital da Glion da gliez temps, dr. Beat Strässle, presidiava lu il Club Lions Surselva. El haveva dau igl impuls d'organisar regularmeins la concurrenza per giuvs talents musicals. Per quei intent haveva el gest mess a disposiziun in capital d'entschatta da 3000 francs pil premi. Ch'ei dat ina massa talents da musica en Surselva dubeta negin che ha visitau sonda la concurrenza. Ils affons e giuvs han sunau e cantau cun ina segirtad che fa surstar. El center ei il tschaffen da far musica, da sunar, cantar ed exprimer sentiments. Sco quei che Claudio Simonet ha sincerau apprezzescha el mintga onn l'excellenta collaboraziun cul Club Lions Surselva. Il menader dall'equipa dils organisaturs, Gaudenz Spescha, ei medemamein staus surstaus da quei ch'el ha viu ed udiu ellas localitads dallas produziuns: «Aunc mai havein nus giu ina tala qualitat atras tuttas categorias.» Ils suandonts experts han giudicau e taxau uonn



Ina roscha giuvs musicists motivai sin tribuna: Els han retschert in diplom ed ils victurs vitier in regal en fuorma d'in daner da promoziun. Enamiez ils champions 2014 Patric Ryser, Mustér e Marco Grischott, Vuorz.

las produziuns: Christoph Demarmels, pianist, Turig; Peter Jochum, pedagog da musica, Domat; Dieter Walser, scola da musica Purtenza.

Ils premiai dalla concurrenza 2014

Classica, singuls

Scalem bass

1. rang: Minna Schmid, Flem, violina; 2. Jonathan von Niederhäusern, Glion, violina; 3. Beat Simonet, Mustér, clavazin.

Scalem mesaun

1. rang: Jael Capaul, Vattiz, cant; 2. Rang: Lina Caspescha, Schnaus, clavazin; 3. Sarah DeFlorin, Rueun, flauta alt.

Scalem superiur

1. rang: Patric Ryser, Mustér, clavazin; 2. Salome Cavegn, Breil, clavazin; 3. Gianna Berarth, Sumvitg, violoncello.

Jazz/pop/rock

Scalem bass

1. rang: Andrin Schöller, Laax, batteria; 2. Lisa Marie Schwarz, Trun, clavazin; 3. Andri Carigiet, Glion, gitara.

Scalem mesaun

1. rang: Anian Camathias, Sagogn, gitara; 2. Svenja Tuor, Breil, gitara/cant.

Scalem superiur

1. rang: Marco Grischott, Vuorz, clavazin; 2. Sven Spescha, Breil, batteria; 3. Larissa Cathomen, Breil, gitara + Annina Gujan, Flem, cant.

Ensembles

Scalem mesaun

1. rang: Band Hard Milk (Blumenthal Lionel, gitara; Camathias Anian, gitara; Capaul Jael, cant/keyboard; Elvedi Nicola, batteria; Tuor Svenja, gitara/cant).
2. rang: Trio AndreLuPa (Russi Andrea, saxofon; Maissen Paula, piano; Maissen Lucas, schumbers).
3. rang: ILS T.A.T.S.: Berther Tschena, cornet; Giossi Anja, cornet; Bearth Tino, cornet.

Scalem superiur

1. rang: Band NUS (Spescha Sven, batteria; Jacomet Pietro, clavazin; Jacomet Chiara, cant).
2. rang: Band Slow Motion (Bergamin Matteo, schumbers; Cathomen Giulia, cant/cornet; Cathomen Larissa, gitara; Cavegn Lea, cant; Giger Angelo, keyboard; Janki Cedric, gitara; Monn Nic, gitara).
3. rang: Cadonau Paula, cant; Defuns Mattiu, gitara/cant; Grischott Marco, gitara/cant; Deplazes Andrea, cant.

Champions Premi da Lions Surselva 2014:

Marco Grischott e Patric Ryser

CAGLIAS E PLONTAS 4

Il culeischen

(Sorbus aucuparia), tudestg Vogelbeerbäum, Eberesche; talian sorbo degli uccellatori/rosso, franzos sorbier. Engiadina culaischem, gürgetsch, (VMüst.) malfö. Surmir culeischen. Sutselva culeschem. Grischun tud.: Tavau/Purtenza Gürgetsch m., Malans Gürgütsch; Valrein Güretsche. Bregaglia culésgium/culesgium, Posch. timilin, Mesauc glossà; Lomb.: (tessin.; Biasca-Pontirone) timèia, (Arbedo) temèla, (Sobrio) frascianètt; Valtellina martulèr/témel, temelina; Ladinia centrala melester, paromolé, (Gader) manèster, (Gardeina) menèster, (Badia) valcenà; mellessâr, melès, (Comelico, Trentin) mlèstar pl. Caracer, applicaziun: scorsa neidia

melnauna-grischa, glischonta; lenn clar-brin, dir, stagn, zai, flexibel; il fest culeischen (lonzi); lenn per lavurs turnadas e d'entagl, sculpturas; il culeischen porta puma-caura; (Ladinia cen-

trala) culla pli fina torta tagl'ins mintga siarp.

Ils tips culeischen e Gürgetsch stattan partentur la derivonza en connex in cun l'auter. Alexi Decurtins



LA QUOTIDIANA

Editura: Samedia (Südschweiz Presse und Print AG) Editor: Hanspeter Lebrument CEO: Andrea Masjüger

Schefredactor: Martin Cabalzar

Redacziun

Agentura da Novitads Rumantscha (ANR): Flurin Andry (fa), Augustin Beeli (abc), Gieri Antoni Caviezol (gac), Claudia Cadruvi (vi), Romana Duschletta (rd), Martina Fontana (mfo), Hans Huonder (hh), Susi Rothmund (sr), Gion Nuteder Stgjer (gns), Giuseppe Venzin (gv).

Collavuraturs redacziunals:

Andreas Cadonau (ac), Giuseppe Capaul (gc), Lucas Deplazes (ld).

Adressas redacziunals:

La Quotidiana, Via comerciala 22, 7007 Cuira, tel. 081 920 07 17, fax 081 920 07 15, mail: redaktion-lq@suedschweiz.ch

Agentura da Novitads Rumantscha (ANR)

Via da Masans 2, 7000 Cuira, tel. 081 250 48 00, fax 081 250 48 03, mail: anr@spin.ch Surselva: tel. 081 936 47 00, fax 081 936 47 01, mail: surselva@anr.ch Engiadina: tel. 079 218 27 60, fax 081 856 11 59, mail: engiadina@anr.ch Surmeir: tel. 079 430 69 30, fax 081 684 32 82, mail: surmeir@anr.ch Sutselva: tel. 081 258 32 68 mail: sutselva@bluewin.ch Tgòls postal, 7432 Ziràn

Editura Samedia,

Via da la caserna 1, 7007 Cuira; tel. 081 255 50 50, fax 081 255 55 10 mail: verlag@samedia.ch

Servetsch d'abunents e da distribuziun:

Samedia, via da la caserna 1, 7007 Cuira, tel. 0844 226 226, fax 018 255 51 10, mail: abo@samedia.ch

Inserats

Samedia Promotion,

Via S. Clau Sura 11, 7130 Glion tel. 081 920 07 17, fax 081 920 07 18, mail: ilan.inserate@samedia.ch

La Quotidiana cumpara tschintg giadas ad emna Ediziun derasada: (Südschweiz cumplet) 81 786 exemplars (Indicaziun d'editur) Derasaziun: 164 000 lecturs (MACH-Basic 2014-1)

Pretschs d'abunaments sut:

www.suedschweiz.ch/aboservice

Comunicaziun da participaziun considerablas sin fundament da art. 322 CP:

Südschweiz Radio AG, Südschweiz TV AG, Südschweiz Emotion AG, Südschweiz Pressevertrieb AG, Südschweiz Partner AG.

© Samedia